

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus II. An beatitudo formalis consistat in operatione creatâ?

[urn:nbn:de:hbz:466:1-74152](#)

13. Ad 2. Confirmationem Respondeo in primis per illam nimirum probari; cum enim essentia Divina sit etiam motivum formale comprehensiva visionis, sequeretur, quod DEUS seipsum posset comprehendere non viis Personis, quod nemo concederit. Secundò igitur distinguo antecedens. Est objectum formale visionis, ut est cognitio, concedo, ut est beatifica, nego. Nam

visus substantiae cognitionis exigit pro objecto formalis motivo id, ratione cuius omnia in DEO sunt intelligibilia, sed hoc est essentia Divina, cuius essentiale constitutum est ipsum intelligere actualissimum. At vero sub ratione beatifica exigit pro formalis objecto id, quod est summe sativum & certificativum, quod non est nisi essentia Divina ut in clare visa.

ARTICULUS II.

An beatitudo formalis consistat in operatione creata?

S U M M A R I A.

1. *Varie sententie de beatitudine.*
2. *Beatitudo formalis ponenda in operatione creata.*
3. *Quae non est partis sensitiva, sed rationalis.*
4. *Christi humanitas non beatificatur formaliter per unionem hypostaticam.*
5. *Increata DEI visus, non potest esse beatitudo formalis.*
6. *Neque substantialis illapsus Divina essentia in animam beati.*
7. *Neque gratia sanctificans, vel lumen gloria.*
8. *Neque potest a solo DEO procedere.*
9. *Exponitur modus loquendi SS. PP.*
10. *Dissertatio inter hypostasin & visionem.*
11. *Substantia anima est beatificabilis mediata.*
12. *Beatitudo formalis est maxima perfectione sub ratione actualitatis ultima affectiva summum boni.*
13. *Quid sit gratia consummata?*
14. *An homo beatificet seipsum?*
15. *An Christus formaliter sit beatus per unionem hypostaticam?*

§. I.

Statuitur beatitudo formalis in operatione creata.

1. *Varia fuerunt de hoc punto Antiquorum placita: nam Henricus Gandensis, Hugo de S. Victore, & quidam DD. Parisiensis contendebant, beatitudinem formalem consistere in intimo illapsu Divinitatis intra animam beati. Qui illapsus quadruplicem patitur expositionem. Primo, quod ipsa DEI essentia intimè penetrans substantiali Beati, illam quodammodo in se transformet, sicut ignis ferrum candens. Secundo, quod DEUS intimè unitus intellectui Beati eundem per suammet increatam visionem faciat & denominet videntem beatum. Tertiò [prout Amicus Henricum exponit disp. 2. sec. 4.] quod ipsa anima substantia per donum habituale gratia consummata sit unita Divina essentia. Quartò, quod solus DEUS actum visionis & fruitionis beatificans in anima Beati efficiat, ista passim solum se habente.*

2. *Vera & communis Duce Divo Thoma hic art. 1. & secundò, sententia est, beatitudinem formalem creature rationalis consistere in ipsius propria, creata, & elicita operatione. Cujus ratio est primò. Beatitudo formalis hominis est vita secunda ipsius juxta illud Rom. 6. Gratia*

DEI vita eterna. Et Joan. 17. Hoc est vita terna, ut cognoscant te solum verum DEUM. Sed vita secunda hominis est operatio ipsius: ergo,

Secundò, Ultima hominis perfectio in genere vita intellectualis, affectus & possessionis Summi Boni, est operatio vitalis ipsius: id beatitudo est ultima hominis perfectio in genere vita intellectualis. Major probatur. Quandiu homo est in potentia perfectibili per actum secundum in genere vita intellectualis, tandem non habet ultimam perfectionem ejusdem generis; sed si caret operatione vitali, est in potentia perfectibili per actum secundum in genere vita intellectualis: ergo.

Tertiò. Affectus & possessio Summi Boni formaliter affectuativa Beati non potest intelligi absque vitali operatione ipsius; sed beatitudo formalis est adeptio & possessio Summi Boni formaliter affectuativa: ergo. Tandem sequendò. Constat beatitudinem formalem consistere in actu visionis; sed hic est operatio vitalis: ergo.

E quo inferes 1. Hanc operationem vitam non esse partis sensitiva, sed rationalis, siquidem hac sola est capax attingendi DEUM, ut finem ultimum & supernaturalem, ut pluribus insinuat in Tract. de DEO.

Inferes secundò: Quamvis unio hypostatica, sit absolute major perfectio, quam visio beatifica, sitque fundamentum ipsius, quia Christus ratione unionis hypostatica debet visio beatifica, Christum tamen non esse beatum formaliter per unionem hypostaticam, sed per visionem beatificam. Ratio ex dictis est: quod unio hypostatica non sit operatio vitalis, ne affectus Summi Boni, quem tamense visionem, mox dicemus.

§. II.

Rejectione aliarum opinionum.

Inferes tertio: Beatitudinem formalem non possit consistere in increata visione DEI, quia ipse est beatus. Ratio ex dictis patet: quia visio increata DEI non potest denominare beatum vitaliter operantem, & videntem, ipsiusque in genere naturae intellectualis intrinsecus ac ultimè perficere; sed hoc totum requiritur ad beatitudinem formalem: ergo.

Inferes

Inferes quartò. Beatitudinem formalem non possit consistere in illapsu Divinae essentiae in substantiam animae, nisi per illapsum intelligas concordium Divinae essentiae per modum speciei intelligibilis ad causandam beatificam visionem. Ratio est eadem, quia illapsus ille non est vitalis exercitium & operatio Beati. Adde, quod ille illapsus non sit perfectior in ratione unionis, quam sit uno hypothatica, que tamen animam Christi beatam formaliter non reddit.

Inferes quinto: Beatitudinem non posse consistere in lumine gloriae, aut alio dono habituali, quia habitus nec dicit ultimam actualitatem & perfectionem, neque affectionem Summi Boni, quam essentialiter dicit beatitudo.

Inferes sexto. Neq; per absolutam Dei potentiam fieri posse, ut beatitudo formalis procedat a solo DEO, anima Beati tantum se habente passare. Sic enim non esset operatio vitalis Beati, neque posset ipsum denominare videntem & viventem, aut vitaliter consequentem Summum Bonum, quod repugnat beatitudini formalis.

Neque opponas antiquum illud: posse Deum solum, quidquid potest cum causa secundis efficiensibus: haec enim propositione fallit, quo disconqueritur effectus haber essentialiter dependeniam a causa creatuæ, & quorū causa creata non solum habet rationem causæ efficientis, sed etiam formalis vel subiectivæ & materialis respectu sui effectus: atqui visio tanquam ex propria differentialiatione vitale exercitium videntis & viventis vita intellexivæ, habet essentialiter dependentiam à principio coniuncto creato, neque tantum dicit beatitudinem effectus ad videntem tanquam ad suum principium effectivum, sed etiam habientem formæ informantias ad subiectum a se connaturaliter actuabile: haec quippe do sunt necessaria requisita ad vitam creatam in secundo, primò, ut sit actus vita citoius à principio intrinseco vitali, secundò, ut in eodem recipiat; vivere enim est moveri ab intrinseco, & à se operari.

Nec obstat, quod in visione beatifica verbum intellectuale creatum, quod alias ab actu intelligendi dependet, à DEO suppleti dicimus: non enim suppletur secundum inadæquatam rationem verbis, nempe tamen quod rationem expressionis, tam quod rationem speciei representantis, sed secundum inadæquatam rationem speciei representantis, quæ sufficit ad terminandum actum visionis, atque absolute ab actuali expressione libe r habitudine ad visionem experimentum separabilis. At verò si DEUS se solo produceret visionem, intellectu Beati solummodo passivè & subiectivè se habente, deberet illam producere sub adæquata ratione operationis & visionis vitalis; cum alias talis visio Beatum nec determinaret videntem, nec viventem, nec proinde sufficeret ad beatitudinem, hoc autem implicare existat.

Potes. An saltem visio, aut alijs actus vitalis, e.g. amor secundum inadæquatam rationem qualitatis, non verò operationis vitalis, à solo DEO produci, & in intellectu ponit posset? Citantr pro hac sententia Capreolus & Cajetanus ab Amico hic disp. 2. sect. 5. Verius tamen existimo,

non posse: quia implicat ponit in rerum natura genus, non positis differentijs specificis & individualibus v.g. ponit animal Platonicum, quod nee esset homo, nec brutum: sed ponit visionem, aut actum alium, vitalem præcisè secundum rationem qualitatis, non secundum rationem actus vitalis, nihil est aliud, quām ponit rationem genericam (qualitatis) non positis differentijs specificis (vitallitatis intellectivæ) ad determinatam speciem contrahentibus: ergo. Minor probatur. De ratione specifica actus vitalis est, esse actum secundum, a principio intrinseco, esse tendentiam potentiam in suum objectum &c. Ratio vero qualitatis est ipsi genericæ, & communis cum non vitalibus: ergo.

Confirmatur. Implicat rem ponit, non positam essentiæ; sed essentia actus vitalis est esse vitalem, esse tendentiam in objectum à principio intrinseco, præsertim in actu amoris, qui per essentiam est voluntarius, & consequenter à principio intrinseco: ergo implicat actum vitalem ponit à principio pure extrinseco, relata ratione vitalitatis.

§. III. Solvuntur objectiones.

O Bije. 1. SS. PP. communiter affirmant, in visione & amore beatifica animam transformari in DEUM, sicut ferrum candens in ignem, & diaphanum in lucem, ita ut anima cum suis potentij appareat, quasi aliquid Divinum: atqui hic modus loquendi significat substantialē quemdam illapsum & unionem ipsius esse, vel intelligere Divini cum anima Beati.

Nec est assignabilis implicantia talis unionis, Nam quomodo de facto personalitas Verbi Divini cum natura humana Christi, & secundò essentia Divina in ratione speciei intelligibilis immediate unitur cum intellectu Beati, quid ergo repugnat increatam DEI intellectu creato ad ipsum formaliter constituendum in esse intelligentis & videntis Divinan essentiam?

Respondeo: SS. PP. esse exponendos de transformatione partim participativa per lumen gloriarum, quo eleventur ad Divinum modum intelligendi; partim intelligibili per contemplativam defixionem in Divinam essentiam sibi in ratione speciei intelligibilis intime unitam. Ratio vero implicantia petita est, quod illa unio substantialis Beatum redderet ex hypothesi, & non rediret vitaliter videntem, fruentem &c. Siquidem implicat Divinam essentiam vel operationem vitaliter conjungi aut radicari in anima, vel potentia Beati, aut ab illo vitaliter procedere.

Hinc patet, quid sit dicendum ad postas in instantias & paritates. Neque enim vel personalitas Verbi in humanitate, vel species intelligibilis in intellectu Beati habet rationem exercitij & operationis vitalis, sed illa termini hypothatici, ista motivi determinativi, & objecti terminativi intelligibilis: atqui beatitudo formalis ex proprio ratione est exercitium vitale, & operatio vitalis Beati, id est debet in ipsa natura Peati tanquam principio immanenti radicari & originari.

Dices. Non minus intelligere Divinum est infinitum in genere operandi, & eminenter continet omnem creatam operationem, quam esse Divinum sit infinitum in genere effendi, & suppositandi, & eminenter continet omnem hypostasin creatam: ergo si personalitas Divina potest per seipsum uniri natura; & supplere hypostasin ipsius, etiam Divinum intelligere poterit per seipsum uniri intellectui creato, & supplere creatam intellectionem ipsius.

Respondeo, negando consequentiam & partatem. Non enim hypostasis sic originatur in ipsis natura visceribus, sicuti potentiae & operationes; & quoniam diversitate cognoscitur naturae diversitas: unde sicut natura Divina substantialiter & immediate cum creata natura non potest uniri, vel eandem supplere, sic neque Divina operatio humanae naturae immediate uniri, aut creata operationem potest supplere. Quae eadem causa est, quod olim PP. & Concilia ex diversitate operationum, diversitatem voluntatum & naturarum in Christo contra Eutychianos, & Monothelitas intulerint.

¶ Obijicitur 2. Anima non tantum secundum suas potentias, sed etiam secundum suam substantiam est beatificabilis, sed hoc modo tantum beatificatur, vel per illapsum ipsum Divinitatis, vel per gratiam sanctificantem: ergo.

Confirmatur 1. Beatitudo est perfectissima animæ unio cum D E O: sed unio essentia Divina per illapsum cum substantia animæ est perfectior, quam illa, qua sit cum potentia per modum objecti: ergo.

Confirmatur 2. Perfectissima formæ debetur perfectissimum subjectum: sed animæ substantia est subjectum perfectius, quam sive potentia: ergo beatitudo, qua est forma perfectissima, debet recipi immediatè in ipsa substantia animæ.

Respondeo ad 1. negando minorem. Nam per visionem Divina essentia potentia quidem ut quod & immediate beatificantur, ipsa vero substantia animæ mediata & ut quo beatificantur.

Ad confirmationem primam Respondeo. Beatitudo est perfectissima unio in genere consecutionis, concedo, in genere unionis, nego. Alias deberet esse unio hypostatica: sed unio Divinae essentia cum intellectu Beati videntis D E U M, est unio perfectissima in genere unionis transeat, in genere affectionis, nego minorem & consequentiam.

Ad 2. distinguo majorem. Perfectissimæ formæ debetur subjectum perfectissimum absolute, nego, juxta formæ proportionem, concedo: sed animæ substantia est subjectum absolute perfectius, concedo, juxta proportionem formæ recipienda, nego. Hæc enim cum debeat esse vitialis operatio, pro suo immediato & proportionato susceptivo perfectissimo debet habere potentiam vitalem perfectissimam.

Obijicies tertio. Formalis beatitudo est omnium maxima perfectio in ordine perfectiōnum supernaturalium, sed maxima perfectio supernaturalis est gratia sanctificans: habitus quoque supernaturales sunt perfectiores ipsi actibus, quos producunt: ergo gratia sanctificans, aut aliud habituale donum potius habet rationem beatitudinis formalis, quam aliqua operatio vitalis.

Confirmatur. Gratia consummata est ejusdem rationis cum gratia habituali sanctificante: sed gloria est gratia consummata: ergo consistit in ipsa gratia sanctificante.

Respondeo distinguendo majorem, est omnium maxima perfectio sub ratione ultima actualitatis affectivæ summi boni, concedo, sub quacunque ratione, nego: sed gratia & habitus supernaturales sunt perfectiores suis operationibus, sub ratione entitatis, & principiū prodigiī, translat, sub ratione actualitatis ultime, & affectivæ summi boni, nego minorem & consequentiam.

Ad confirmationem nego majorem: nam gloria id est vocatur gratia consummata, quod in illa supernaturalis operatio, in qua tanquam ultimato fine & termino consumuntur omnes gratiae in hac vita concessæ, & hæc est supernaturalis operatio.

Oblig. 4. Si beatitudo consistet in vitali opere, ratione, cuius principium elicivum & effectivum foret ipsem̄ Beatus, tunc sequitur, quod homo præmariet & beatificant̄ seipsum: sed hoc est absurdum; cum præmium aeterna beatitudinis debeat esse à D E O tanquam præmio.

Respondeo ad 1. membrum primò; sequitur,

quod homo præmariet seipsum, ut quo, concedo, ut quod, nego. Præmium ut quod nihil est aliud, quam affectio præmij ut quod, & hoc utique est ab illo, qui præmiator. Præmium vero ut quo, nempe ipsum summum Bonum beatificantum est à præmiantे. Secundò negando utrumque membrum sequela: ut enim homo præmariet & beatificant̄ seipsum, deberet principia & media elicendi actum affectivum summum Boni habere in sua potestate: atqui illa datur à D E O, nempe lumen gloria, & ipsa Divina essentia concordans ratione speciei intelligibilis.

Colliges ex dictis: quamvis Christus Dominus, præter visionem beatificantem Divinæ essentia ha- buerit unionem hypostaticam, non tamen fusse beatum formaliter per ipsam hypostaticam unitem, sed per visionem Divinæ essentia: quia similitudinem, licet unio hypostatica sit major perfec- tio, quam visio, & fundamentum ipsius rationis, in quantum ipsa debebatur animæ Chriti per hypostaticam unionem, non tamen hæc uno, sed visio fuit unio affectiva summum Boni, quæ est essentialis ratio formalis beatitudinis.

